



UNIVERSITÄTS-
BIBLIOTHEK
PADERBORN

Universitätsbibliothek Paderborn

Diaconia S. Agathae in Svbvra

Martinelli, Fioravante

Romae, 1638

Cap. II. An Quirinalis S. Agathae Ecclesia eadem illa sit, quae à S. Gregorio
in Subura est dedicata.

urn:nbn:de:hbz:466:1-11177

urbanis Tribubus ad rusticas defecisse primarios viros, quòdque. necessè fuit illarum amplitudinem imminutam; sed non idcirco Suburæ sua dignitas periit adeò ut dicere potuerit Iuuenalis.

Sat. 3.

Ego vel Prochyta præpono Subura.

quasi nil esset in Vrbe præstantius. Et hæc de Subura satis.

C A P. II.

An Quirinalis S. Agathæ Ecclesia eadem illa sit, quæ à S. Gregorio in Subura est dedicata.

POSITIS ijs, quæ de Subura Capite præcedenti docuimus, nulla potest esse dubitatio, quin Ecclesia S. Agathæ in Quirinali sita illa ipsa sit, quæ à S. Gregorio in Subura dedicata est. Et
su-

superuacanea meritò videri posset hæc à nobis proposita quæstio, nisi satisfaciendum esset Ligorio, qui errare ait illos, qui Ecclesiam hanc eandem putant esse cum illa S. Agathæ in Subura, deceptos autem eo, quod existiment à S. Gregorio ædificatam, cum ipse longè aliam exædificauerit, hæc autem à Flauio Ricimere extracta sit. Sed profectò ipse egregiè decipitur, neque minus falsum est quod sumit, ædificasse S. Gregorium B. Agathæ Ecclesiam, quàm illud quod subijcit, Quirinale hoc eiusdem Virginis templum à Flauio Ricimere extractum fuisse. Et quidem ad hoc vltimum refellendum sufficit ipsius Ricimeris testimonium in Abside expressum hac inscriptione.

F. RICIMER. V. I. MAGISTER
 VTRIVSQUE MILITIAE. PATRICIVS
 ET. EXCONSVL. ORD.
 PRO. VOTO. ADORNAVIT.

Alte-

Alterum, ædificatam nimirum à B. Gregorio S. Agathæ Ecclesiam, refellitur ab ipso Magno Pontifice, qui lib. 3. ep. 19. fatetur, *Ecclesiam S. Agathæ, quæ spelunca fuit aliquando prauitatis heretica ad catholicæ fidei culturam redactam fuisse, & alibi. Arianorum Ecclesia placuit, ut in fide catholica dicari debuisset, quod factum est.* Vtrumque apertis verbis tradit ad Martyrologium Baronius, his verbis. *Erat in Vrbe, & hætenus permanet celebris memoria S. Agathæ in Subura dicta, quam olim ab Arianis vindicatam S. Gregorius catholico cultui mancipauit. Porro illis temporibus quibus Gothorum illustres viri Ciuitate Romana donati ibidem Consulatus, & Præfecturam gesserunt, ea Ecclesia peculiari vsui Gothorum cessit, quorum Ricimer Consularis vir potentissimus, gener Anthemij Augusti, illum locum magnificentissime ornauit.*

Dialog.
li. 3. c. 30.

Ad 5. Feb.

Enimuero si Subura per planitiem,
quæ

quæ inter Viminalem, Quirinalem, & Exquilinũ intercedit, ad S. Luciae in Silice protendebatur, evidens est, hanc de qua agimus S. Agathæ Ecclesiam, in Subura, vel, vt alij interdum loquuntur, super Suburam sitam fuisse, vt ineptum sit aliud templum à S. Gregorio in Subura dedicatum alibi quærere. Nihil igitur à Ligorio affertur, quod vim vllam habeat, nõsque mouere debeat quominus hanc S. Agathæ Ecclesiam illam existimemus, quam S. Gregorius Ariana superstitione expiatam Deo dicauit, maximèque illustrem ac venerabilem hoc beneficio reddidit.

Nunc antequam vlteriùs progrediamur non ab re fore existimo, breuiter describere loca aliquot vetustiora, & insigniora Vallis Suburanæ, vt non minùs antiquitatis studiosus oblectetur, quàm Diuæ Agathæ illustretur Ecclesia.